

(31) إوعي يا قلبي

وحياة القلب اللي انكوي وحياة من جمعنا سوي
أنا عمري ما احب تاني أو انزل شباك الهوي

أنا يوم ما قلبي دق قلت له يا قلبي لأ
الحب مالوش أرار وبحر غويط غدار
ياما حير وجار وياما سقي المرار
وياما جرح قلوب وحير بنات الدار

وحياة القلب اللي انكوي وحياة من جمعنا سوي
أنا عمري ما احب تاني أو انزل شباك الهوي

زي ما فيه هم بيرحل زي ما فيه هم بيدوم
في بحر الحب ناس بتغرق وفي بحره ناس بتعوم
فوق يا قلبي وقوم الحب مالوشي لزوم
إنت لسه صغير ع ا لحب وما بتعرف تعوم

وحياة القلب اللي انكوي وحياة من جمعنا سوي
أنا عمري ما احب تاني أو انزل شباك الهوي

اللي يقع في شباك الحب ها يبقي أسير
زي طير من غير جناحين عمره ما يطير
إوعي يا قلبي خليك حر إوعي الحب يسقيك المر
إوعي يا قلبي الله يخليك الحب يلعب بيّه وببيك

وحياة القلب اللي انكوي وحياة من جمعنا سوي
أنا عمري ما احب تاني أو انزل شباك الهوي
